



Damian Camenisch cun ina da sias var 25 cruschs-fossa ch'el fravigescha mintg'onn.



La lavur vid ina singula crusch cuozza denter 25 e 50 uras

FOTO MARTIN GABRIEL

Cruschs da Surcasti entochen el Luxemburg

Dapi otg onns ei Damian Camenisch partenari associau dalla fravgia da Surcasti. El meina ina part dall'interpresa e producescha era las cruschs-fossa ch'ei ina specialitad dil fravi da Surcasti. Malgrad ch'il diember da sutterradas en fossas da retscha ei tschessada, ein las cruschs-fossa aunc adina ina part impurtonta dalla fravgia da Surcasti. La FMR ha fatg ina viseta a Damian Camenisch.

MARTIN GABRIEL / FMR

Damian Camenisch ha 35 onns ed ei carschiu si a Surcasti. Il giavisch d'emprer da fravi veva el gia dils onns ch'el mava a scola. «Cun 14 onns hai jeu fatg in fuffernadi tier *Luregn Derungs*. Suenter quei fuffernadi era jeu segirs ch'jeu vegli imprender da fravi.» Suenter il survetsch militar seigi el turnaus en quei liug sco luvrer, raquenta Damian Camenisch. «Igl onn 2016 ei nies schef senior ius en pensiun e lu haiel jeu survegniu la pussevildad da separticipar dalla fatschenta sco partenari associau.» La secunda part dalla fatschenta ein installaziuns sanitaras e quei sectur vegn menaus da *Marcus Derungs*, il fegl da *Luregn Derungs*. L'entira fatschenta dalla *Derungs Lorenz SA* ha treis acziunaris: *Luregn Derungs*, *Marcus Derungs* e *Damian Camenisch*.

Perseveranza e creativita

Damian Camenisch muossa pliras cruschs ch'el ni *Luregn Derungs* han fravegiu ils davos onns. Ina crusch ei orna da cun rosettas e cun biars pigns detagls. «La lavur vid quels detagls, per exempel mo vid las rosas, muntan gia biaras uras da lavur.» Ei drovi pazienza, perseveranza e creativita, di Damian Camenisch. La produziun d'ina crusch fossa drovi tut tenor il diember da detagls denter 25 e 50 uras da lavur. Cura ch'ins hagi fatg tut ils accessoris entscheivi la lavur da metter ensem la crusch. «Nus havein var 50 musters da cruschs e nus disponin era da fotografias che nus savein mussar sco propostas.» Il fravi che fa era l'enramaziun dalla fossa di ch'is confamigliars hagian era agens giavischs. Ed era quels vegnien sch'enzaco pusseivel adempli. «Tier l'enramaziun hai jeu per exempel era gia giu il giavisch d'in client da far ina

«Ei drova in bien egl ed ideas»

Damian Camenisch, fravi che fa cruschs-fossa a Surcasti

larma amiez la fossa. Ni ch'ins ha era gia giavischau da metter silla surfatscha dalla fossa ina gera cun ina colur che dat in contrast.»

Dus muments da satisfacziun

«Ei drova in bien egl ed ideas», di il fravi da Surcasti. Ils emprems pass cun em-

prender da fravegiar cruschs seigien buca stai sempels. El hagi denton empriu cun far pass per pass – e siu anteriur patrun *Luregn Derungs* hagi susteniu fetg bein el. «Ins sto exercitar e star vidlunder. Cul temps dattan certas lavurs da fravegiar ina rutina.»

Ei detti dus muments da satisfacziun pil fravi, malgrad las trestas circumstanzas d'in mortori. Igl emprem bi mument seigi cura che la crusch seigi finida el luvratori. Il secund mument da satisfacziun seigi cura che la crusch cun il rom da crap vegni tschentada en santeri. Damian Camenisch: «Jeu surdudel bugen als confamigliars la fossa finida sin santeri. Sch'els han plascher dalla fossa, lu dat quei satisfacziun era a mi.»

25 cruschs per onn

Igl onn 1976, cura che *Luregn Derungs* ha entschiet cun la produziun da

cruschs-fossa a Surcasti, enconuschev'ins mo las sutterradas cul vischi. Damian Camenisch di che siu anteriur patrun hagi aunc raquintau dacuort ch'el havevi quels onns biaras empustaziuns da cruschs-fossa cunzun en Lumnezia e contuorn. «Oz fravegin nus en media circa 25 cruschs per onn.»

Nossa clientella ei la Lumnezia e la Foppa, e singuls clients havein nus era en l'ulteriura *Surselva* ed el *Grischun*. «Mintgatton detti ei era ch'enzatgi dalla Bassa ni schizun digl exteriur che hagi viu las cruschs-fossa da Surcasti egl internet ni sin ils santeris dalla regiun, vegni e s'interesseschi d'empustar ina, raquenta Damian Camenisch.»

«En tut ils onns sco fravi ha miu antecessur *Luregn Derungs* tschentau cruschs-fossa en l'entira Svizra. E furniu havein nus perfin el Luxemburg ed en Tiaratudestga.»

Da Mustér silla glina e sil mars

Cumponentas per apparatus e vehichels che sgolan silla glina e sil mars: Ellas vegnan buca mo producidas da gronds concerns, mobein era d'interpresas pintgas. Ina da quellas ei la *Distec SA* a Mustér. Per che quels products sappien era vegnir produci igl avegnir sisum la *Surselva* drova ei gliued qualificada. Quei ei denton buca sempel, era buca la tscherca d'emprendistas ed emprendists.

HANS HUONDER/FMR

La mesjamna vargada ha la *Distec SA* puschiu in di d'informaziun a giuvenils ch'ei sin rucca da bandunar ils proxims onns la scola populara. Otg ein serendi ell'interpresa buca lunsch naven dalla claustra da Mustér per laschar orientar davart las professiuns dil polimecanist e mecanist da produziun. Pliras e plirs han era fatg quei en accumpignament dalla mumma ni dil bab. «Tons interessents enina havein nus aunc mai giu. Quei ei secapescha legreivel», di il responsabel per l'instrucziun dallas emprendistas ed ils emprendists tier la *Distec SA*, *Pierino Bisquolm*. Treis dad otg giuvenils ein lu era gest s'annunziai per absolver in fuffernadi ell'interpresa che lavura sil sectur dall'elavuraziun da metal.

Lavur fascinonta

L'orientaziun dils giuvenils ei buca seconcentrada spirontamein sin informaziuns formalas davart ils emprendissadis da polimecanist (4 onns) e mecanist da produziun (3 onns). Els han era giu la pussevildad da prender investa dalla

partiziuns dalla *Distec SA*. Sil pli tard leu ha igl interess per quellas duas professiuns tecnicis saviu vegnir svegliaus. Maschinas sil pli ault stan dalla tecnica mussan che l'interpresa da Mustér tegn petg al svilup. «Denter auter producun nus era cumponentas per satellits, apparatus che setschantan ils proxims onns silla glina ni era pil mars-mobil, il vehichelet che sondescha il mars», di *Pierino Bisquolm*. Producida vegn quella tocca per interpresas dall'astronautica.

Mo lu lavura la *Distec SA* era pil sectur medicinal ni producescha per exempel tocca era per maschinas che fabricheschan chips. Lavur precisa ei ina dallas premissas fundamentalas. «Nus luvrein sin ina differenza maximala da 1/1000 mm», di igl instructor dils emprendists. Per quei motiv ei la prontadad da luvrar fetg exact ina dallas qualitats professiunalas indispensablas dalla *Distec SA*.

Il mument 13 emprendists

Il mument occupa la *Distec SA* 13 emprendistas ni emprendists ella partiziun tecnica. Leutier vegnan duas emprendistas sil sectur mercantil. Cuntinuadamein



Otg giuvenils e giuvenils ein s'interessai la mesjamna vargada per las professiuns tecnicis dalla *Distec SA*. Igl instructor dils emprendists, *Pierino Bisquolm* (tier da senies-ter), ha menau els e lur geniturs atras las partiziuns dall'interpresa.

FOTO HANS HUONDER

ell'interpresa alla tscherca d'emprendistas ed emprendists, per aschia saver garantir igl avegnir dil menaschi. «Persunas culla qualificaziun da polimecanist ni mecanist da produziun ein fetg tscher-cadas. Il mument ein buca meins che 1400 plazzas da quellas duas professiuns screttas ora en Svizra», constatescha *Pierino Bisquolm*. Mo tonaton di el era: «Il mument essan nus en ina fasa ch'igl ei buc aschi sempel d'animar la giuventetgna d'absolver in emprendissadi tecnic. Dapresent ein ils interess empau auters, plitost ella direziun da computers, digitalisaziun e multimedia.» Tonaton ei igl instructor dils emprendists dalla *Distec SA* optimists da saver occupar ils proxims onns silmeins entginas dallas mintgamai tschun plazzas d'emprendissadis tecnicis.

Polimecanist e mecanist da produziun ein professiuns che vegnan pli e pli era eligidas da giuvenils. Per l'interpresa a Mustér che ha aschia ni aschia gia in disavantag dil liug – pia ch'ei lunsch naven dallas aglomeraziuns – ei persunal qualificau da muntada existenziala. Mo aschia eis ei pusseivel da concurrenzar e recaltgar lavur.

Von Disentis auf Mond und Mars

Komponenten für Apparate und Fahrzeuge, die auf den Mond und den Mars fliegen: Sie werden nicht nur von grossen Konzernen, sondern auch von kleinen Unternehmen hergestellt. Eine davon ist die Distec AG in Disentis. Damit diese Produkte auch in Zukunft oben in der Surselva produziert werden können, braucht es qualifizierte Leute. Das ist aber nicht einfach, auch nicht die Suche nach Lehrenden.

Letzten Mittwoch veranstaltete die Distec AG einen Informationstag für Jugendliche, die vorhaben, in den nächsten Jahren die Volksschule zu verlassen. Acht besuchen das Unternehmen, unweit des Klosters Disentis, um sich über die Berufe des Polymechanikers und Produktionsmechanikers zu orientieren. Mehrere taten dies auch in Begleitung der Mutter oder des Vaters. "So viele Interessenten hatten wir noch nie. Das ist natürlich erfreulich", sagt der Ausbildungsleiter bei der Distec AG, Pierino Bisquolm. Drei von den acht Jugendlichen haben sich anschliessend auch gleich für eine Schnupperlehre im Unternehmen, das im Bereich der Metallverarbeitung tätig ist, angemeldet.

Faszinierende Arbeit

Die Information der Jugendlichen konzentrierte sich nicht nur auf formale Informationen zu den Lehren des Polymechanikers (4 Jahre) und des Produktionsmechanikers (3 Jahre). Sie hatten auch die Möglichkeit, Einblick in die Abteilungen der Distec AG zu nehmen. Spätestens dort konnte das Interesse an diesen beiden technischen Berufen geweckt werden. Maschinen auf dem höchsten Stand der Technik zeigen, dass das Unternehmen in Disentis der Entwicklung standhält. "Unter anderem produzieren wir auch Komponenten für Satelliten, Apparate, die in den nächsten Jahren auf dem Mond landen, oder auch für das Mars-Mobil, das Raumfahrzeug, das den Mars sondiert", sagt Pierino Bisquolm. Produziert werden diese Teile für Raumfahrtunternehmen.

Dann aber arbeitet die Distec AG auch für den medizinischen Bereich oder produziert beispielsweise Teile für Maschinen, die Chips herstellen. Präzise Arbeit ist eine der Grundvoraussetzungen. "Wir arbeiten auf eine maximale Differenz von 1/1000 mm", sagt der Lehrlingsausbilder. Aus diesem Grund ist die Bereitschaft, sehr genau zu arbeiten, eine der unverzichtbaren fachlichen Qualitäten der Distec AG.

Momentan 13 Lehrlinge

Momentan beschäftigt die Distec AG 13 Auszubildende in der technischen Abteilung. Dazu kommen zwei Lehrlinge aus dem kaufmännischen Bereich. Kontinuierlich ist das Unternehmen auf der Suche nach Lehrlingen und Auszubildenden, um so die Zukunft des Betriebs sichern zu können. "Personen mit der Qualifikation Polymechaniker oder Produktionsmechaniker sind sehr gesucht. Momentan sind in der Schweiz nicht weniger als 1400 Stellen für diese beiden Berufen ausgeschrieben", stellt Pierino Bisquolm fest. Aber er sagt auch: "Momentan sind wir in einer Phase, in der es nicht so einfach ist, die Jugend zu animieren, eine technische Lehre zu absolvieren. Gegenwärtig sind die Interessen etwas anders, eher in den Bereichen Computer, Digitalisierung und Multimedia." Trotzdem ist der Lehrlingsausbilder der Distec AG optimistisch, in den nächsten Jahren zumindest einige der jeweils fünf technischen Lehrstellen besetzen zu können.

Polymechaniker und Produktionsmechaniker sind Berufe, die zunehmend auch von Mädchen gewählt werden. Für das Unternehmen in Disentis, das so oder so bereits einen Standortnachteil hat - also weit weg von den Agglomerationen - ist qualifiziertes Personal von existenzieller Bedeutung. Nur so ist es möglich, konkurrenzfähig zu sein und Aufträge zu erhalten.

Bildtext

Acht Jugendliche interessierten sich letzten Mittwoch für die technischen Berufe der Distec AG. Der Ausbilder der Lehrlinge, Pierino Bisquolm (Dritter von links), führte sie und ihre Eltern durch die Abteilungen des Unternehmens.